

ЖШС «Ailin» balalar bobekjai baqashasy

«Бекітемін»

«Ailin» balalar bobekjai baqashasy
меңгерушісі  М.А. Давидбекова



«Берекелі алтын күз»

«Қарлығаш» тобы

Тарбиеші: Ермахан.М

2023-2024ж

«Берекелі Алтын куз»

Мақсаты:

- 1) табиғаттың күз мезгіліндегі өзгерістері жайлы балалардың білімдерін кеңейту;
- 2) күз мезгілінің берекелі екенін айтып, түсінік беру, ойлау қабілетін дамыту.
- 3) балаларды еңбекқорлыққа тәрбиелеу.

(Топ іші күзгі суреттермен, мерекеге сай сарғайған жапырақтармен безендірілген)

Жүргізуші: Құрметті ұстаздар, ата - аналар, кішкентай бүлдіршіндер! Сіздерді мерекелеріңізбен құттықтаймыз. Күз мезгілі барлық үйге молшылық алып келсін.

Жүргізуші: *Балалардың орындауында «Күз келгенде» әнін тамашалаңыздар*

Жүргізуші: Қанекей, балалар енді күзге арнаған тақпақтарымызды айтайық.

1 - бала: Алтын күз, әсем айналам,

Қараймын көзім талғанша.

Жақын қалды желтоқсан,

Жабырқайды жапырақ.

2 - бала: Жел тынымсыз гуілдеп,

Болып кетті тым бұзық.

Шуылдайды тал - терек,

Жапырағын жұлғызып.

3 - бала: Көк майсалы көрікті,

Алқаптағы көп егін.

Бұл күндері киіпті,

Сары жібек көйлегін.

4 - бала: Алтын, сары, қызыл, көк...

Алуан алуан жапырақ,

Күзгі бақта күлімдеп,

Көз тартады жапырақ.

5 - бала: Алқаптан бидайды

Қоймаға ел жинайды.

Тырнасы тізілген,

Ұнатам күзді мен.

6 - бала: Жайдарлы күз, жомарт күз,

Аяулы күз, алтын күз.

Дөнге толы кең далам
Дариядай шалқып жүр.

Жүргізуші: *Балалардың орындауында «Күзгі бақ» әнін тамашалаңыздар.*

Жүргізуші: Балалар, адамдар күзде қандай киімдер киеді?

Балалар: Күзгі жылы киімдерін киеді.

(Осы кезде ішке сары киім киген түрлі - түсті жапырақтар тағынған алтын күз келеді)

Күз: Сәлеметсіңдер ме, балалар! Мен сендердің шақыру хаттарыңды алдым, сендерге көп рахмет. Балалар, мен сендерге көкөністерімді, жемістерімді ала келдім. Көкөніс пен жемісті қалай жақсы көретіндеріңді тексереміз. Бізге екі бала қажет, олардың көздерін орамалмен байлап, мына тұрған ыдыстағы жеміс пен көкөністі қолдарымен ұстап, дәмін татып анықтаулары қажет.

Күз: Жарайсыңдар балалар, өте дәм сезгіш екенсіңдер.

Жүргізуші: *Алтын күз, енді балалардың өзіңе арнаған «Жапырақтар» биін тамашалыңыз*

Жүргізуші: *Балалардың орындауында «Жапырақтар» биі*

Күз: Балалар билерің қандай тамаша, ендігі кезекте ата - аналарды сынап көрейік, күзде қалай шапшаң еңбектенеді екен. Екі ата - ана ортаға шығып, мына тұрған 2 картопты жылдамдыққа және қабығын үзбей тазалау қажет.

Жүргізуші: Балалар, күздің алып келген көкөніс, жемісі дәмді ме екен?

Балалар: Иә, өте дәмді.

Жүргізуші: Сол көкөніс пен жемістерді ортаға шақырайық.

(Осы кезде көкөніс пен жемістер ортаны бір айналып, қатарласып шығады)

Сәбіз: Өсіретін бойыңды,

Дамытатын ойыңды.

Қоянға да азықпыз,

Сәбіздерміз жазықсыз.

Алма: Мен алмамын, алмамын,

Таңдай жұлар бар дәмім.

Қызылша: Ақ түсім бар қант алар,

Қызыл түсім қанға нәр.

Зияным жоқ біліп қой,

Қызылшамын пайдам бар.

Өрік: Мен өрікпін, өрікпін,

Табиғатқа көрікпін.

Қарбыз: Көрсен егер бақшада,

Доп екен деп қалма.

Шөл қандырар қарбызбын,

Ерте үзіп алма.

Алмұрт: Мен алмұртпын, алмұртпын,
Аузындамын бар жұрттың.

Қауын: Иісім жұпар аңқыған,
Бақшадағы шырынмын.
Жеп көргенде тамсанған,
Балдай тәтті қауынмын.

Күз: Балалар, ойын ойнап, көкөніс жемісті тани білдіңдер, мен сендерге ризашылығымды білдіріп,
сыйымды табыс етемін.

(Күз, балаларға алма таратады)

Күз: Мен туралы жаттаған әсем тақпақтарыңды, айтқан әндеріңді көріп, билеріңді тамашалап
көңілімді көтердім. Рахмет сендерге, келесі кездескенше.

Жүргізуші: Балалар, барлығымыз күздің сыйына алғысымызды білдіріп, шығарып салайық.

Балалар: Рахмет сізге күз, сау болыңыз!





ЖШС «Ailin»balalar bobekjai baqashasy

«Бекітемін»

«Ailin»balalar bobekjai baqashasy
меңгеруші  М.А.Давидбекова



«Қош келдің, Жаңа жыл»

«Қарлығаш» тобы

Тәрбиеші:Ермахан.М

2023-2042ж

Мақсаты: балаларға мерекелік көңіл күй тудыру; шыршаның қалай әдемі де сәнді безендірілгеніне, балалардың Аязатаның, Ақшақардың, Қоянның карнавалдық киімдеріне назар аударту; көңілді ойындар ойнату, достық қарым - қатынас ояту, бірлескен ойындар ойнату.

Қатысушылар: жүргізуші, Аязата, Ақшақар, Қоян, Клоун, балалар, ата - аналар.

Музыка ойнап тұрады.

Жүргізуші: (жүргізушінің дауысы тыс жерден шығады) Тезірек, тездетіп мұнда жиналыңдар. Басталады Жаңа жылдық карнавал, маска да бар, би де бар, асығыңдар, шырша жанында қонақтарды қарсы алыңдар. Аязата шақырғанның бірі дағы қалмайды. Басталады, басталады, жаңажылдық карнавал! Карнавалдың иелерін қарсы алайық! (қол шапалақтау, балалар екі - екіден кіреді)

Жүргізуші: Армысыздар, аяулы ұстаздар, ата - аналар! Сәлеметсіздер ме, балалар. Сендер бүгін, сәнді киініп, әдемі болып кетіпсіңдер. Мына жерде орман аңдары, сүйікті ертегілеріміздің кейіпкерлері де жетіпті. Ал, бүгін балалар, қандай мереке?

Балалар: Жаңа жыл!

Жүргізуші: Жаңажылдық ертеңгілігімізді ашудағы құттықтау сөзін балабақша меңгерушісіне беріледі.

Жүргізуші: Балалар бүгін біз Жаңа жылды қарсы алуға жиналдық. Келіңдер, сән құрап тұрып, қол ұстасып жүріп ән салайық.

Ән: «*Аппақ, аппақ жапалақтап*»

Жүргізуші: Балалар, ортамыздағы әсем не?

Балалар: Шырша!

Жүргізуші: Шыршамыз қандай әдемі! Ойыншықтары неткен көп! Ал, кім бізге шыршаға арналған тақпақтарын айтып береді екен?

Жасыл шырша орманнан,
Бізге арнайы келіпті.
Ойыншығын балалар,
Шыршаға әсем іліпті.

Әсем шырша сәнденген,

Өз аңдарын күтеді.
Жаңа жылмен бірге біз,
Орманға кеп жетеді.

Тамаша, тамаша,
Шыршамыз тұр жараса.
Басында әсем жұлдызы,
Көз тоймайды қараса.

Жүргізуші: Жарайсыңдар, қандай жақсы тақпақтар! (шыршаның жанына жақындап келіп) бәрекелді, қараңдар балалар, шыршаның астында бірдеңе тұр! Сыйлықтар! Сыйлық алу қандай тамаша, келіндер, балалар, сыйлықты ашып көрейік. *(көңілді муз. Ойнайды, қорапты ашады, оның ішінен Клоун атып шығады.)*

Клоун: Амансыңдар ма, балалар! Иә, бұл менің. Мені ораудан алып шыққандарың қандай жақсы болды! Ол жерде тар, әрі қап - қараңғы. Ал, мұнда сондай тамаша екен! Мен де сендермен жаңа жалды қарсы алайыншы, сендермен бірге қызықты ойынды ойнайыншы!

Ойын: «Кім жеңеді?» (4 орындықпен)

Жүргізуші: Балалар, бізде шыршамыз бар, әдемі киінген балаларымыз бар, ата - аналарымыз, көрермендеріміз де бар екен, енді, біздің жаңа жылдық мерекемізге кім жетпейді?

Балалар: Аязата, Ақшақар.

Жүргізуші: кәне, онда Аязатаны шақырайық. Бар дауыспен айқайлайық.

Балалар: Аязата, Аяз ата (*деп 2 рет айтқанда, есік ашылады да, Қоян кіріп келеді.*)

Қоян: Ойбай түрлерін қара! Неге тамақтарыңды жыртып жатырсыңдар?!

Жүргізуші: Ал, сен неге амандаспайсың? Әдепті адам алдымен амандасып алады дегенді білмейсің бе?

Қоян: Білсем бұйырмасын!

Жүргізуші: Мұны тіпті мына бүлдіршіндеріміз біледі. Ал, саған тіпті ұят. Саған ешкім үйреткен жоқ па?

Қоян: Жоқ.

Жүргізуші: Сен өзі қайдан шықтың? Біз Аяз атаны шақырып едік қой?!

Қоян: Ал, мені мерекеге неге шақырмайсыңдар? Аязата сендерге бәрібір келмейді, өйткені мен ормандағы жол көрсететін белгіні алып тастадым, енді ол жол таба алмайды ха - ха - ха (*деп секіреді*)

Жүргізуші: неге олай еттің? Аязата, Ақшақарсыз қандай жаңа жыл келмек?

Қоян: Ә, бәлем, солай ма екен! *(осы кезде боранның гүілдеген дыбысы естіледі. Қоян тоңа бастайды да, біреулердің киімдерінің астына кіріп, ата - аналарға тығылып, соңында шыршаның астына тығыла бастайды)*
Алыстан Аязатаның дауысы естіледі.

Жүргізуші: Аязата, Ақшақар келе жатыр ғой деймін, шақырайық, қол соғайық, болған қиындықтарды ұмытайық!

Балалар: Аязата, Ақшақар!

Аязата: Сәлематсыңдар ма, балалар!

Күнтізбеде қалыпты жалғыз ғана бір парақ,

Дайындалдым жыл бойы,

Жолға шығар келді уақ!

Шақырымды жүздеген

Басып өту мен үшін

Жаңа жылдың түнінде

Жасыл шырша түбінде.

Кездесем деп сендермен,

Тарасам екен сыйлықтар,

Одан асқан не сый бар.

Қуаныш сыйлау балаға

Одан зор бақыт бола ма!

Сендерді көргеніме сондай бақыттымын!

Балалар, мына шыршамыз көңілсіз тұрған сияқты ғой. Кәне, сиқырлы сөздерімізбен оның шамдарын жарқыратайық!

Қуант бізді, таңырқат шамдарыңды жарқырат! (3 рет айту керек)

Балалар: Қуант бізді, таңырқат шамдарыңды жарқырат.(қолдарын шапалақтатады)

Шырша жарқырайды.

Аязата: Балалар, менің қарша қызым қайда жүр екен, кім тауып береді екен маған?

Мұздан моншақ тағынып,

Күміс қырау жамылып.

Ортада тұр Ақшақар,

Көптен күтіп сағынып.

Кел билейік сенімен,

Деймін тартып жеңінен

Еріп кетпе Ақшақар.
Адамдардың демімен.

Міне тағы келіп тұр,
Жаңа бір жыл балалар.
Жадыратып жер үстін
Төрімізге ол шыққан.

Аспан жерге төгеді,
Ақ күмісін уыстап,
Жаңа жылда келеді
Бізге қарай жылыстап.

Жүзімізге күлкі ойнап
Қанаттанды жанымыз.
Жаңа жылды біз тойлап
Шаттанамыз бәріміз.

Аязата: Бәрекелді, бәрекелді. Менің Ақшақарым қазір келіп қалар, мынадай тақпақтардан кейін кідірмес. Клоун балам, сыйлықтарын берейік тақпақ айтқан балаларға.

Жүргізуші: Аязата, мен де, жұмбақтап жіберсем қайтеді?

Ертегідей орманның
Көктей өтіп келеді.
Сұңқар бойлы бір сұлу
Табыңдаршы, аты кім?

Балалар: Ақшақар! (*музыкамен Ақшақар кіреді*)

Ақшақар: Сәлеметсыңдар ма, балалар! Орманды көктей өтіп жеттім - ау сендерге. Қандай әдемі, неткен сұлу шырша! Мен білемін бір ойын:

Үйретейін сендерге

Мен бастайын, ал, сендер аяқтандар ойынды. Хормен жауап айтыңдар! Қарға мүлгіп дала тұр, келе жатыр....

Балалар: Жаңа жыл!

Ақшақар: Қызыл мұрын, ақ мұртты білсең атын тез ата, келеді бізге.....

Балалар: Аяз ата!

Ақшақар: Шырша бүгін кәделі! Сендер әрі....

Балалар: Әдемі!

Ақшақар: Көңілсіз бір бала жоқ, ойын – күлкі таралсын.

Құтты болсын....

Балалар: Жаңа жыл! (3 рет)

Аязата: Бәрекелді, ал, енді балалар тақпақтарын айтып берсін.

Бізді байтақ далада,
Асқар тауда қалада.
Биыл ғажап іс болды,
Таң ғажайып қыс болды.

Жаңа жылмен, жаңа жылмен,
Құттықтаймыз әрине.
Әкемізді, анамызды
Қонақтардың бәрін де!

Бір топ бала сырғанап,
Би билейік зырлайық.
Қалды артта қар алып,
Іздерінен қар ұшып.

Кел жаңа жыл біздерге,
Кел жаңа жыл, жаңа жыл.

Қызыл ала шапаны,
Сағындым Аязатаны.

Далада қар борайды,,
Ақ мамыққа орайды.

Мұз болады қатады,
Жап - жалтар боп жатады.

Қыс келді, Қыс келді.
Ақтарып ақ қарды.

Қызыл ала шапаны

Сағындым Аязатаны.

Ақшақар ойын ойнатады.

Жүргізуші: Кәне, балалар, бәріміз «Жаңа жыл!» әнін жақсылап айтып жіберейік, Аязатамызбен Ақшақарымызбен, Жаңа жыл бар, Клоун бәріміз!

Ән: «Жаңа жыл!»

Аязата мен Ақшақар сыйлықтар таратады.

Ақшақар: Мінекей, балалар, сендермен қоштасатын да кез келді.

Сендерді қимай тұрмыз, барлығың да көңілді, әдемі бала екенсіңдер.

Аязата: Жаңа жылда, балалар, тек қуаныш көріңдер.

Ауырмаңдар ешқашан, мықты болу өзіңнен.

Ақшақар:

Жаңа жылда, балалар, тек жақсылық көріңдер.

Жылау, ауру, жамандық қастарыңда болмасын.

Сау болыңдар, балалар





ЖШС «Ailin»balalar bobekjai baqashasy

«Бекітемін»

«Ailin»balalar bobekjai baqashasy
меңгеруші  М.А. Давидбекова



«Біз ананың гүліміз»

«Қарлығаш» тобы

Тарбиеші:Ермахан.М

2023-2024ж

« Біз ананың гүліміз »

Жүргізуші: Құрметті аналар, апайлар, балалар! 8- Наурыз аналар мерекесіне арналған ертеңгілікке жиналып отырмыз. Мектепалды даярлық тобының балаларымен өткізілетін мерекемізге қош келдіңіздер!

Залға балалар кіреді, қолдарында гүлдер, ән айтып

Әлемнің жарығын силадың сен маған
Даланың әр гүлін сыйлаймын мен саған-
Аналарға гүлдерін сыйлайды

Жүргізуші: Иә, бәрімізге де осынау әлемнің жарығын сыйлаған ана есімі қашанда биік, әрі қымбат.

Ана десем алғыс алам халқымнан
Ана десем теңіз болам шалқыған
Ана десем , ашылады қабағым
Ана десем әділдікті ұғамын
Біз ғана емес

Қадір тұтқан бабалар
Аналардаң туған небір даналар
Ана деген тіршіліктің тірегі
Армысыздар, қасиетті аналар!

-Ардақты аналар, мерекелеріңіз құтты болсын! Отбасыларыңызға құт-береке , бірлік. дендеріңізге саулық тілейміз!

-Балалар, бүгінгі тақырыбымызға байланысты мен сендерге жұмбақ жасырғым келіп тұр. Шешуін таба аламыз ба?

Бала, бала, бала деп
Түнде шошып оянған
Түн ұйқысын төрт бөліп
Түнде бесік таянған
Бұл кім?

Балалар: Ана, ана, ана.

Жүргізуші: Әріне, бұл біздің аналарымыз. Ана перзент тәрбиелеуші. Ендеше осы асыл аналарымызға арналған балаларымыздың тақпақтарына кезек берейік:

Жанымызды жайнатқан
Ана деген – жарық жұлдыз шырағың
Ана деген- қайнар ыстық бұлағың
Ана деген- өмірдегі қамқорың

Ана деген-сүйенерің, жан құрбым
Сырымды ұғатын ,өзіңсін қуатым
Күнімсің шығатын Айымсың туатын
Аялы алақан, әлпештеп өсірген
Аяулы жан анам

Қатемді кешірген

2-бала: Апам мені айым дейді

Мен мұнайсам уайым жейді

Апам мені күнім дейді

Мен қуансам күлімдейді

3-бала: Анам-өмір шырағы

Анам-өмір бұлағы

Бесігімнің жыр әні

Жүрегімде тұрады

Жүргізуші : Осы ардақты аналарымызға ән орындап берейік

Ән: « Құттықтаймын сені туған күніңмен!»

Жүргізуші: Бүгін біздер құрметті де ардақты әжелерімізді ерекше атап құттықтаймыз! «Қариясы бар үйдің қазынасы бар» - деп халқымыз текке айтпаған,балаларымыздың әжелеріне арналған тақпақтарына кезек берсек

Салтанат : Өзің мені өсірген

Айналайын ақ әжем

Тентек болсам кешірген

Ауырмашы ,ай әжем

Рахым : Әже деген көп шығар

Әжемдей менің жоқ шығар

Мейірімді бұл кісі

Қандай ғажап күлкісі

Адина:. Немересін жанындай

Әжем жақсы көреді

Қонаққа барса ұмытпай

Кәмпіт әкеп береді

Сулейман :Тірегі болып жанында

Бірге еріп жүремін

Жанашырым жанымда

Тек әжем деп білемін

Хансултан : Ақ әжемді арқашан

Сыйлап жақсы көремін

Қуантайын деп оны

Өлең айтып беремін

Даниял : Өзің мені өсірген

Айналайын ақ әжем

Тентек болсам кешірген

Балдай тәтті бал әжем

Ән: « Әжем менің айдай»

Жүргізуші: «Мектепте қалай оқыдық» ойынын ойнайық Ойынға аналарда қатысады

Аделья : Үн қатамын бал тілмен

Еркелеймін әр күн мен

Құттықтаймын анашым

Сегізінші наурызбен

Алиаскар : Құлпырған гүлдей

Көктемгі күндей
Жылылық маған
Төгесің үзбей
Алтынай: Сауле шашқан әсем күндей
Көтерілсін көңіліңіз
Жарқыраған қызыл гүлдей
Болсын әсем өміріңіз

Би : «Туған жер» Ұлдар

ЖҮРГІЗУШІ: Тамаша, өнерлі екенсіңдер. Ал балалар сендер үйде ата-аналарыңа көмек тесесіңдер ме? Шындарыңды айтыңдар ! Қазір мен аналарыңнан сұраймын.
Күні бойы ойнай беретін, ойнап болған соң ойыншықтарын жинауға ерінетін, дым істемейтін, жалқау бала бар ма сіздерде?

Аналары: Жоқ, жоқ!

Ал, тәңертең ерте тұрып, мектепке өзі киінетін, үйде анасына көмектесетін әдепті, тәртіпті бала бар ма сіздерде?

Аналары : Бар, бар!

Ойын : « Кім жылдам » Ана мен бала балабақшаға және жұмысқа жиналады

Жүргізуші: Жарқырап тұр күніміз

Жайқалсын бәйшешек гүліміз

Бақта бұлбұл сайрасын

Сәнді көктем нұрымен

Көңіл гүлдей жайнасын

Талшыбықтай бұралған

Қыздарымыз қарап тұрмасын

Би: «Түрік биі» Қыздар

Милана : Қадірлі аналар көңілі

Көктемдей жайнап гүл ашсын

Бақытқа толып өмірі

Шаттыққа шаттық ұлассын

Осман: Құтты болсын осы шаттық күніңіз

Бақытты да, ұзақ өмір сүріңіз

Қуанышты жүзіңізбен әрдайым

Бұл өмірде күліп қана жүріңіз

Нұрдаулет : Ақылшымыз, данашым

Ұзақ өмір сүріңіз

Айналайын анашым

Алдымызда жүріңіз

Жүргізуші: Шалқып тасып әніміз

Жадырасын жанымыз

Ана сені құттықтап

әндеміз бәріміз

Ән: «Әнші балапан»

Алихан: Ана деген асыл жандар, болаттай

Ана деген мөлдір жандар бұлақтай

О, адамдар, қадірлей біл ананы

Жат қылыққа ақыл ойды талатпай

Аяулым : Түн ұйқысын төрт бөліп
Өлпештеген анашым
Жақсы болсам асырып
Жаман болсам жасырып
Қамқор болған анашым

Би : «Қазақ биі» Қыздар

Жүргізуші: О,анашым неткен жансың мейірімнен жаралған

Мәңгілікке арамызда шалқып-тасып жүр аман

Егер де сен еш ауырмай,күліп-ойнап қуансаң

Бұл тәңірден одан басқа,ешбір тілексұрамаң

Өмірдегі ең асыл жан- АНА. Сол үшін балалар аналарымызды сыйлайық,ардақтайық,еш уақытта ренжітпейік.

Балалар хормен: Ана- біздің күніміз.

Ана- біздің гүліміз

Ұландарды қуантып

Ұзақ өмір сүріңіз

Жүргізуші: Сіздерді тағы да 8 –ші Наурыз мерекесімен құттықтаймыз!

Би : «Вальс»

Құттықтау сөз ата- аналарға беріледі

